



‘Wij zoekt een **burgemister** die met oes bouwt an de toekomst’

Met **gevuul**
veur wat er speelt

die de
verbinding zöch

deurdacht te
wark giet

Profielschets burgemister
Midden-Drenthe

G E M E E N T E
MIDDEN-DRENTHE 



Echt Drenthe



Midden-Drenthe, dat is echt Drenthe. Bos, hei, weide, zaand en veen wisselt mekaar of; een aantrekkelijk landschap um in te wonen, te warken en veur recreatie. De 34.000 inwoners woont verdielt over roem twintig kernen. Oeze gemiente is in 1998 ontstaon toen de gemientes Beilen, Börk en Smilde deur de herindieling samengaon bint. De betrökkenheid van inwoners bij de woonumgeving is nog altied groot, dörpshoezen speelt daorin een belangrieke rol.



INWONER AAN HET WOORD:

“A’k oeze neie burgemister ien stee zul kunnen laoten zien, zul het Nei-Baoling of wat veur aander klein dörp binnen oeze gemiente wezen. Umdat in de kleinere dörpen het sociale gevuul groot is: naoberschap.”

In Midden-Drenthe hol we van gezelligheid en groet wij mekaar op straat. We springt bij as der hulp neudig is en wij kriegt zölf veul veur mekaar. We bint wies met dit naoberschap, dat niet allent in de kleinere kernen springlimtig is. Ok neikommers kunt van oes opan. In Drenthe hew niet geliek het woord op de tong liggen. Met de klink in de haand, bij het vortgaon, wordt vaak pas dudelijk waw wilt. We begriep oeze inwoners en de zaken die heur raakt goed, bijveurbeeld de problematiek waar boeren met van doen hebt. Het böd kaansen dat Midden-Drenthe umgeven wordt deur bescharmde natuur, maor gef oes ok oetdagingen.

Daorbij is Midden-Drenthe een ondernimmende en limtige gemiente met een briede blik. Naost de agrarische sector is het midden- en kleinbedrief belangriek en hew bedrieven binnen de gemiente

staon waarvan der veul ok internationaal heur producten ofzet. Wat vrogger de ofvalbarg van Wiester was, is nou de Col du Vam: een schiere stee veur wandelaars en wielerliefhebbers. In september 2023 is hier het EK Wielrennen. We bint sportief, van fietsen en voetbal tot an peerdesport en dammen. De viefentwintig vekaansieparken laot zien dat Midden-Drenthe het goed döt bij toeristen, maor ze brengt ok opgaven met zuch met. Museumdörp Örveld trekt veul bezukers, net as Herinneringscentrum Kamp Westerbork, waar aw stilstaot bij een beladen verleden.



Wat je te doen stiet

In Midden-Drenthe zuuk we een goeie veurzitter, die as bestuurder anvult wat er speult en daodkrachtig en verbindend zien wark döt. Veur oeze neie burgemister hew twee dudelijke opdrachten:

1.

Verbeteren van het samenspel in het gemientehoes

In Midden-Drenthe biw gangs um een neie bestuurscultuur in de bienen te kriegen. Binnen de raad, maor ok in de samenwerking tussen raad, college en ambtenaoren. We wilt minder naodruk leggen op verschillen, meer zuken naor wat oes bindt en constructiever samenwarken. Het raodsprogramma van 2022 is een belangrieke eerste stap west, maor we bint er nog niet. Bestuurlijke stabiliteit möt vulen gaon as een jas die past, dus daw het zunder muite kunt.

De burgemister hef een sleutelrol in dizze ontwikkeling, as anjager en procesbegeleider. Ie weet dat alles begunt bij het goed veurzitten van vergaderingen van raad en college: je bint

eerlijk en dreit er niet umhen. Je weet hoe de hazen loopt as het um procedures giet en je scharpe oog veur underlinge verholdingen gef sturing an het politieke spel. Daorbij hol je de sfeer ontspannen en brengt met humor lucht in het debat. Je hebt zaken geern concreet en tastbaor en maakt de vertaoling naor wat mèensen bezigholdt. Je zörgt dat der een veilige sfeer is, zodat alle raodsleden goed oet de varf komt en zuch vrij vuult heur mening veur het voetlicht te brengen.

In het college weeje wat er in verschillende portefeuilles speult en stimuleer je ofstemming op mekaar, deur wetholders veur te holden wat er gebeuren kan. Naost wettelijke taken hej ok een eigen portefeuille. Je weet dat de ambities van raad en college ok waormaakt worden moet. Dat vrag mangs um ofstemming met de raad, zodaj op tied bijstuurt as der vertraging



INWONER AAN HET WOORD:

“Oeze neie burgermister is der iene die slim betrökken is bij de gemiente en de metwarkers. De burgemister holdt voet bij stuk en lat zuch waor neudig is gelden.”

is. Je investeert in contacten in de regio: samenwerking is allent maor goed veur een grote bestuurlijke organisatie.

As burgemister hej ervaring in het leiden van debatten en vergaderingen en hej het groepsproces in de vingers. Dat zorgt veur vrundelijk en stevig veurzitterschap. Je hebt een scherp inzicht in mèensen en partijen en je laot je de kop niet gek maken deur verschillende belangen en denkwiezen. As der argens een veenbraand lek te woeden, as der een conflict dreigt, dan hej dat rap in de gaten en maak je op tied de juuste stappen zodat het niet oet de haand löp. Je warkt en dèenkt zölfstandig en bint praktisch anlegd, de ondersteuning deur ambtenaoren is beparkt. Leiderschap op maot, passend bij dat waj bij de kop hebt, kenmarkt hoe aj bint en doet.



2.

Verstarken van de binding tussen inwoners en gemeente

De inwoners van oeze gemeente bint slim betrökken bij de eigen woonkern. Der ligt grote opdrachten die vraagt um bried draogvlak, zoas grootschaolige woningbouw, energietransitie en leefbaorheid van de boetengebieden. De boeren in oeze gemeente staot veur grote oetdagingen. We wilt betrökken en deurdacht umgaon met de maatschappelijke onrust die dizze ontwikkelingen met zuch metbrengen kunt.

Van de burgemister frag dit een samenbindende stijl, je bint een herkenbaor en betrouwbaor boegbeeld van de gemeente. Je staot veur het beleid dat oetvoerd worden möt. Je gaot op pad, naor de mèensen toe. Je laot je overal in de gemeente zien, bint erbij as der argens wat speelt of wat vierd wordt. Investeren in de relatie met inwoners is belangriek um, ok as der calamiteiten bint, genug krediet te hebben. Eerst de rust en het overzicht bewaoren, dan besluten nemen. In die volgorde doeje wark. Je zörgt er deurlpend veur dat het goed akkedeert met ondernimmers en maatschappelijke organisaties.

De neie burgemister van Midden-Drenthe hef oog veur de inwoners, veur wat de inwoners neudig bint en giet met heur in gesprek.



INWONER AAN HET WOORD:

“De nieuwe burgemeester van Midden-Drenthe is iemand die oog heeft voor de inwoners en de behoeften van de inwoners en met hen in gesprek gaat.”

As der onenigheid ontstiet tussen inwoners en gemeente, dan bij daarin de bemiddelaar. As zaken ingewikkeld wordt, trek je op met de wethouders en bij juist weer een neutraal leider van het gesprek. Deur veuroet te kieken weej waar meugelijkheden ligt waardeer aj dichter tot mekaar komt, of waardeer juist knelpunten ontstaon kunt. Daor haal je dan bijtieds de angel oet. Je ziet ok juist de lu die boeten de boot dreigt te vallen en de minderheden. Je hebt interesse en begrip veur het verhaol dat meensen met zuch metdraagt.

Um dizze taak goed oet te kunnen oetvoeren, kuj goed met stress umgaon. Je bint een stabiele persoonlijkheid en straolt natuurlijk gezag oet. As ervaoren en kundig bestuurder weej woraj het over hebt. Je verdiept je in de gewoonten en manier van doen van de

inwoners van Midden-Drenthe. In de umgang met inwoners bij flexibel. Je deenkt nao veurdaj doet en hebt veurof je stappen in kaart bracht. Dat is je op 't lief schreven.

Openbare orde en veiligheid

De vraagstukken die der ligt op het vlak van openbare orde en veiligheid in Midden-Drenthe past bij die van een grote plattelandsgemeente. Deurdat er in oeze gemeente GGZ-instellingen bint, moej alert en flexibel wezen. De burgemeester kan op de gekste tieden beld worden en dan moej der geliek bij wezen en scharp reageren. Je kunt terugvallen op beparkte ambtelijke ondersteuning. Bij incidenten pak ie deur en hej besluten paraat, je nimt verantwoordelijkheid. Je bint betrokken en blijft professioneel.



Waj metbrengt

Lek het je wat um in Midden-Drenthe de scholders derunder te zetten? Dan bi'j de burgemister die wij zuukt. Wiederv verwacht we:

1.

Bestuurlijke sensitiviteit

Je vuult an wat er leeft, wat er achter de boetenkaant zit. Wat mèensen feitelijk wilt, al zegt ze het niet letterlijk. Eerst anvulen, dan op weerde schatten en dan doen, zonder umwegen en met daodkracht. Dat is wat je past.

2.

Ie hebt onderhandelingen in 't slag

Je kunt mèensen een goed gevuul geven, dat ze zich wardeerd vuult, ok al hebt ze niet in alles geliek kregen. Je kriegt mèensen met op overtuging. Daorbij geef je acht op de understroom, veur wat er misschien opkropt zit en later nog naor boven kommen kan.

3.

Weet van de omgeving:

Je ziet hoeveul en met wat veur inzet inwoners dingen doet, wat dit veur de samenleving betekent. In Midden-Drenthe bint er veul mèensen en groepen die heur eigen verhaol hebt. As burgemister hej in de gaten wat dat met heur döt en kuj der invulend met umgaon.




Overig

Een extern assessment is underdiel van de procedure.

Inwoners over de neie burgemister van Midden-Drenthe


Wat veur type burgemister hef je veurkeur?

Enthousiaste Anvoerders
zuukt de grèenzen op. Ze
kiekt veuroet, bint niet
bang veur veraandering,
en betrekt aandern geern
bij heur plannen.



Kenmerken


De inwoners van
Midden-Drenthe heur
vraagd wat veur woorden
bij het karakter van heur
gemiente past. Ze kunden
oeten zeven termen
kiezen.




Stellingen

Hiernaost staot de
risseltaoten van de
twei stellingen waar de
inwoners van de gemiente
Midden-Drenthe antwoord
op geven hebt. Bij elke
stelling kunden ze angeven
wat veur eigenschap of
wat veur gedragsveurbield
zij belangriek vindt veur
heur neie burgemister.
Dielnimmers kunden
zuch positioneren op een
zevenpuntsschaal um
heur mening zichtbaor te
maken.

Bestuurder of burgerva/moe?



Zakelijk of informeel?



Kijk voor het onderzoek op Raadmiddendrenthe.nl

A photograph of a person walking away from the camera on a dirt path in a forest. Sunlight filters through the trees, creating a hazy, golden atmosphere. A large, semi-transparent white arrow points upwards from the bottom left towards the top right, passing over the person. The word 'gevuul' is written in white lowercase letters on the left side of the arrow.

gevuul

verbinding

deurdacht

HUUS VAN DE
T&L
15 JAAR



Adresgegevens

Bezoekadres:

Gemeentehuis Midden-Drenthe
Raadhuisplein 1, 9411 NB in Beilen

Postadres:

Postbus 24, 9410 AA in Beilen

Meer achtergrondinformatie:

Raadmiddendrenthe.nl